

16 April 2012

NEGARA

## **Dadah: Mak andam, tiga lelaki diberkas polis**

Oleh NUZULSHAM SHAMSUDDIN  
zulsham@kosmo.com.my

MELAKA – Gelagat tiga lelaki dan seorang wanita yang mencurigakan berada di hadapan sebuah bengkel kereta di Duyong di sini kelmarin terjawab apabila mereka rupa-rupanya disyaki sedang berurus niaga mengenai dadah.

Dalam serbuan pada pukul 10 malam, polis menahan tiga lelaki dan seorang wanita yang berusia 19 hingga 38 tahun. Wanita yang berusia 25 tahun dan merupakan kekasih kepada salah seorang suspek yang berusia 38 tahun turut ditahan.

Satu sumber berkata, keempat-empat suspek itu ditahan oleh polis Jabatan Siasatan Jenayah Narkotik (JSJN) Melaka semasa polis membuat rondaan Ops Tapis di kawasan Duyong.

Polis yang membuat rondaan curiga melihat ketiga-tiga lelaki yang berada di hadapan bengkel itu dengan salah seorang daripada mereka membawa beg sandang.

Polis yang memeriksa beg sandang tersebut menemui sejumlah pil eramin 5. Pemeriksaan dalam kereta Proton Perdana milik suspek berusia 38 tahun itu pula menemui 31.5 gram dadah syabu dan 335 pil ekstasi.



TIGA lelaki dan seorang mak andam dibawa ke Balai Polis Banda Hilir Melaka semalam untuk disiasat.